

A Monthly Christian Magazine


AN ORGAN OF THE ZOU PRESBYTERIAN CHURCH SYNOD

Christian Tangkou

ဗုဒ္ဓကမ္ဘာတစ်ဝှမ်း တစ်ဆူပျံ့နှံ့

Vol. 60 || No. 08 & 09

August & September, 2024



Editor: Rev. Dr. Hangpi Manlun

Synod Kumpuon

Pasian pomtah kithoina

[Rom 12:1]

Khristian Tangkou

Vol. No. 60 || Issue No. 8 & 9 || August & September, 2024

A sung thu

Editorial Board

Editor : Rev. Dr. Hangpi Manlun - 9862910875
 Joint Editor : Rev. Zamlianpau - 7629978067
 Cir. Manager : Upa Jamsianmung - 9862086615
 Bus. Manager : Upa Kamgenpau - 8974612937
 Ms. Niangkhanmang - 8787560139
 Nh. Suanneiching - 8787790520
 Nh. T. Naomi Goulianching- 8413854088

Cont. Editors : Rev. Awkhankhup - 9383114081
 Rev. Khupsianlal - 8974749874
 Rev. Khamchinkhai - 8730933744
 P/P Samuel Khamsuankhai - 8413817483
 Upa Khupsuankham - 9863193371
 Upa Tualkhanpau - 9862956570
 Upa Thangzasuan

ZOU SYNOD ULIENTE

- **Moderator:**
Rev. P. Ginzalal
- **Moderator Elect:**
Rev. Kaimuanlal
- **Secretary (Sr):**
Upa Ginsuankhai
- **Secretary (Jr):**
Upa Kapkhanhau
- **Treasurer:**
Upa Thangchinpau
- **Statistician:**
Upa Chinkhanpau
- **Executive Secretaries:**
Rev. Dr. Hangpi Manlun
Rev. Zamlianpau

- Editorial..... 01
- Thu tuomtuom & Thumpi ding 05
- Tuipi tungah Huipi hat 07
- Gingtute chi leh meivah i hi uh..... 09
- Nouman neh ding pie un 12
- Jesu Khrist tungtang genlawhna ... 15
- Tulai nite a hoilou ziehin 16
- Daijang Revival Khawmpi 18
- ZPWF Column 22
- ZPYF Column..... 24

Copies - 1000

AMAN

Kumkhat ah	- Rs.	100
Post ah	- Rs.	200
Copy khat ah	- Rs.	10
Life Member Fee	- Rs.	1,000
Patron Member Fee	- Rs.	2,000
Memorial gift	- Rs.	2,000

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



SEPGUOL MAN DAN

(Mizoram a Sepguol man pat dan).

Thumapui

Kum 1894 in Mizoram ah Khantanhohi ana lut a, kum 1906 in Halna khatveina ana tung a, halna niveina kum 1913 a ana tung kia un gingtute nasatah in ana pung uhi. Hinanleh, hun bangtan ahie in halna khu a bei kia a, Hattuumte ngui in a basam mama ua, ginna lam a a det nailou ziehun Pasion thu zuina apat tawp kia bang zong ana um un khovel miten ana nuisat uhi. Hinanleh mi bangzat ahieite ginna det leh ginum a um in a limnate uh bei nanleh phatuomngaitah in a sem zel uhi. Tam Halna tun zou a Hattuum ngui mama a um in mi tamtah nuatolsah ahi dan silpieh ah kilang pai in 1917 a Sawltah mi-7 kisawlkhete law ding silpieh a chinlou ziehin a law uh Rs 10 apat Rs 8 a khietngiemsah uhi. Tuachiin kisuhhatna leh gingloute lah a nasepna khu nnasep poimawtah in a hing nei uhi (Mizo Kohhran Chanchin Rev. Saiaithanga phek 54-56, 58)

Sepguol nei ahita:

Tambang ahilai in Mizoram Hmar gam pumpi khu Khasi Synod nuoi ah Presbytery khat ana hi ua, kum khat in 2-vei Khawmpi (March & October) nei zel ahi a, March 15-18, 1918 Presbytery Khawmpi, Aizawl ah tambang in a ngaituo uhi. “**Khristian Sepguol** nasepna khu June 1918 a bawl ding in ana guot ua, ha bullam khu amau Hattuum sung a kisuhhalna ding leh kisuhsienghthouna dinga zah chiet ding leh ha tawplam khu gingloute a ding a zah dinga zah dingin ana guot uhi. Tualeh Hattuum chin ten amau nnasep ding dan chiet a ngaituo ding uhi” (Presby. 1918 No.10, Kristian Tlangau May 1918 phek 94).

Tami kum a mandan u'khu Lalnawka khuo Lungsum leh Lalzika khuoten report a pie ua, a ngainuom huoi mama uhi (Kristian Tlangau Sept 1918 phek 172, 180). Aizawl muna a man dan uh report Sandia Sap leh Liangkhaia ten tambang in ana gel uhi: “..... June ni khatna nitah apat in kikhop ka pan ngal ua, Pasion in hing guolzawl in kou hattuum toh kituohlou zen in ka kikhopna uah ka lim mama ua, a nitah khatna apat in kikhop khamzoulou in ka kikhenta uhi; ka hattuum uah inn hi in Biehinn a kikhop hitaleh ka lim mama uhi. Tuachin ha kimkhat zou Pasianni thumna ah Kipumpiehna Kikhop ka nei ua, tua kipumpiehna kikhopna ah “**Kipumpiehna Lai**” chiin Pasion kunga ka thuchiem uh ka na bawlloute uh zousie bawl ding a kipieh thana leh kichiem thana laite khu mi zousie kungah ka hawm uhi. Mi khat in Pasion kunga kipieh thana thu a gen a, ka ngaikhiet chieng un “I Pasion thu awina uh khu ana dau (chialou) mama ahi chiin ka kisit thei mama uhi. “Tu masang a sang in pan la sem vang” chi kawm in thugen zou in “Kipumpiehna tuohkhawm/silpieh” chi in silpieh Upaten ahing dong ua tuanah nidang sanga tamzaw lakhawm in Rs. 14/- ka nga zou uhi. Tualeh khum zou in Pasion thu awiloute lam ka zuon ua, mi lien deuten mi lien leh mi neu deuten mi neu deute lah ma ah tualeh nungahten nungahte kung ah leh tangvalten tangvalte, tehseten tehsete kung ma ah ka theitawp uh suo in ka Sepguol nna ka sem uhi. Pasion in hatna hing pie in koima zaulou, zumlou leh ninglou in guozu daikai nuoi ah ka sem thei uhi.....” . Khuo tuomtuom ah Sepguol zieha hing kipe tha mi-344 apha hi (Kristian Tlangau Oct. 1918 phek 194-195). Tambanga June 1918 ha sunga lawchingtah a Sepguol ka nei ziehun October, 1918-a Champhai Hmunhmeltha khuo a Presbytery khun “Sepguol khu um kia heh ka chi ua, kum 1919 September a bawl kia ding leh a bawl ding dan pen kum peisa a bawl bang a bawl ding in thuphasah a kinei hi” (Presbytery. Oct. 1918 No.11) Gingtuten tawmngaitah a a thumnate uh Pasion in guolzawl in kum 1919 in Halna thumveina ahing tungta hi.

Ahun:

Kum 1918 in June ha ah nei ahia, 1919 leh 1920 ah September, 1921 ah January, 1922-1924 ah April ha chiin a nei ua, kum 1925 apat in September ha a man zing ahita hi (Presbytery. Oct. 1920 No.25, Oct. 1921 No.33, Assembly 1925 Jan No. 18).

Thuzil:

Standing Committee thuphasah bangin kum 1937 apatin gam pumpi huop thuzil tuom deu siem ahia, “Hattuum kumchin Sepguol lawching sem a zah ahi theina dingin Sepguol Vaiguon siem hihenlen thupi dingin kisumtheina lam gen hihen” (SC dt.28.6.1937 No.7). Mizoram buoi ziehin gam pumpi huop a siem theilou hun zong a um a, tam hunte ah Tuolsung Hattuumte lemtan dan dungzui a zah zel ahi. Hapta masapen Gamtha hapta chi in 1981 apatin zah ahia, Hapta lina Khristian Innkuon hapta khu 1983 apat a zah pat ahi kia hi.

Sepguol man dan suhdanglam dinga ngaituona:

Aizawl West Presbytery-in Sepguol ha man dan suhdanglam ding a ngaituo dingin 2001 in Synod in hoi a sa a, Synod Executive Committee (SEC) bawzui dingin koi ahia (2001 Synod Gen.5), Dohnate siem a ngaidan tuomtuom lahkawm ahi zou in suhdanglam ding dan tambang in a ngaituo hi:

- 1) Sepguol khu September ha a zah zel hihen.
- 2) Tuolsung Hattuum in hoi leh lemtang a sah bangin Biehinn ahiei Innve ahiei in a zang khawm thei ding uhi.
- 3) Thupi khu gam pumpi huop in Synod in a siem zel ding a, hinanleh thupi leh Bible tang tahlat leh kipuihuoina thugel khu tu a kizang sang a tom leh felzaw a siem hihen.
- 4) Eima Hattuum a ding a phatuomzaw a zang utte a dingin hon zing ahi.
- 5) Hattuum panlahna poimaw - Khristian Innkuon, Gamtha leh vantang hinkhuo siemhoina (Social concern) lam silte khu manghillou ding ahi (SEC 185: 7; SEC 186:7; SEC 187:29).

Ei Zou sung a Sepguol man dan:

Ei Zou tate lah ah 1922 kum vel in Pasian thu hing lut panin Sawltah Hrangsuoka kichi Rev. Laltluanga pa, PCI Administrative Seceretary ana hi ngai Rev. Laldawngliana pu in Pasian thu ahing gen hi. Kum 1947 vel in khuo khenkhatah Biehinn ana dinga kum 1957 in Manipur Christian Church (MCC) a kiminvaw in i um uhi. Kum 1958 sung in Tuolphei khuo ah Zou, Vaiphei leh Kuki ham zangteng in khawmpi kinei in Manipur Gam Presbytery (MGP) in min hen ahi. Tami hun lai in Presbyterian Hattuum toh kizopna tah a kinei naisih a, hinanleh NEIG Mission sung a zat tuomtuomte a Presbytery-Presbytery

a kikhén ahiman in, Zou, Vaiphei leh Kuki ham zangte a diing a thuteng (Word) lemtaang pen ‘GAM’ chi kitang in Manipur Gam Presbytery (MGP) ana kiphuoh hi. October 11, 1959 in Presbyterian Church kizop hi. Presbyterian Hattuum zop ahi toh kituoh in adiehin Mizoram a um Presbyterian Hattuumte etton in kinei gige in tuni tan in zong kipuihuoina lam ah i etton pen uh ahizing hi.

Ei Zou sung ah kum 1959 kichientah a thei hisih nanleh kum 1959 lah vel apat Sepguol ana kitheikhe dan in ana gen ua, September ha sung ma a zah ahi.

Nidang lai in Sepguol a kizah chiengin Innchin a kikhopna nei mai hilou in a tuontuol leh hamsa deute bang zong kisui in a inn uh suhsiengsah, a nasep uh panpi in lou nasepna lam ah zong louma tutloute bang zong kipanpi in a lou uah kikuon in nungah-tangvalten lou kihawpi hi. Tualeh adiehin singtang lam ah tulai bang a sumlepai hamsa ahiziehin sumlawna ding sui in hattuum mipi kikuon in sum kilaw a, tua khu sepguol tuohkhawm danin kinei hi. Sumlepai sangin hattuum sung ah Pasion gam nasepna a ngaituo in Biehin kai ngailoute bang vena kinei in nasesilbawl a hat zouloute panpina hunin kizang tangpi hi.


Sepguol kiman chil lai in khochin in i man thei dandan ua mang in Innve hileh Bieh kikhopnate ah i zang ua, khovel hing khantou toh kituoh in Sepguol Vaiguon tangpi leh thupi ding banah a hing panpi dingin Sepguol thupi apat khennen in thupi tuomtuom toh sermon tomkim a i bawl hun uh zong a um hi. Tuni tan chiengin Sepguol thupi ding Synod Session ah guot in Vaiguon a bu a bawl in inn chin a zah thei dingin i hawmkhe zel uhi.

Hinanleh Sepguol mandan zong ahing tuomta a, Pasion lungsietna toh i sepguol tuohkhawmte bang hing tamta in Hagau a hatloute panpi ding sangin tuohkhawm buoi a buoi i bangta uhi. Synod level ah Sepguol tuohkhawm bangzat kimu? Bang a kizang? Bangchi zah ding? chite in i buoi ua, District level a kisuhtuona hun ah Biel lamkaite bang in zong mittuhna a nei sim in, “Tu kum Sepguol tuohkhawm bangzat kimu? Bangzat ei Biel a ding in i zang un bangzat Synod ah i sung ding uoi?” chite in kibuoita abang zel hi. Tuaban ah Tuolsung Hattuumte bang in zong Local kisuhtuona bawl in senlepante bang zong tuohkhawm kisawh maita hi.

Bangteng hileh tunia i gen utpen ahileh, Tuolsung, Biel leh Synod tanpha ah zong sumlepai i zang uh chia kimawsahna lam hilou in; sumlepai pen i sui ding ua i zah ding ma uh zong ahi. Hinanleh tu hun chiengin Sepguol pen tahsa lam sang in Hagau lam en zaw in Biehinn tung ngailou bangzat in Biehinn a hing zuon thei uoi? Mi khat beh in kimuthana nei in Pasion a ding a kipieh thana a nei thei ei? chi bang ngaituo in i hattuom sung a hagau leh tahsa a basamte panpi ding dan ngaituo thei sem lei Mangpa kipahna semkha leh **“Pasion pom tah kithoina”** kihi thei sem ding ahi.

.....

Thy tuomtuom leh Thumpi dingte



1. Pasion lungsietna leh mapuina toh August 2024 i tung tou kiata ua, tam tan hing mapuitu i bieh Pasion min phat in a kungah kipah thu gen va ui.
2. Tribal zousie kipumkhat a, tup kibang a, a tawp tanpha tuibang i luonkhawm ua Saperate Administration i mu theina ding un theitawp suo in thum va ui.
3. I kingatna pen uh Pasion i bieh ding bang tah ua i bieh ua, a nna i sep theina ding un i gam Central Government Vaihawmte a ding in thum va ui.
4. I gamsung buoina zieh a thalemat tuoh a hinna taante tengteng i suun mama ua, a Innkuonte un hamuonna a nei theina ding uleh liemlebai tuoh a Damdawi Inn a kienkolte zousie a hing damsienng theina ding un i thumna uah thumpi va ui.
5. India Phuolpi vaihawm ding kitelna thupi tah um a, BJP in Central Government hing form uh ahina ah mihing deina bang hilou a,

Pasian deina bang a vai ahing hawm theina dingun thumna ah laan chiet va ui.

6. I gam buoina toh kisai a Lamkai tuomtuom kituoh tah a vai a hawmkhawm theina dingun thumpi chiet va ui.
7. India gam sung mun tuomtuom a Khristian te soisahna gen ding um zel ahina ah, Pasian venbitna zal a i Pasian uh i bieh ding dan tah ua i bieh thei ua, Manggam i kehlet theina dingun thum zom zel va ui.
8. I gamsung abuoinate a hing ven a, hindan ngaina i zah thei kiana dingun bangkim bawltu Pasian kung ah chitahtah in thum chiet vai.
9. Pasian mapuina toh a hing tung ding September 2024 hing naita ahina ah kum chin a i man bangun Sepguol Vaiguon zong hing kihawmta a, Hattuum chin in a manpha theipen a zang chiet dingin kisinga in thumna toh pang chiet va ui.
10. Ahing tung ding September 25, 2024 chiengin Synod Sr. Accountant sem Upa Kamgenpau a tahsa kum 60 a chin tah toh kituoh in Pension pieh hita ding a, MGP Golden Jubilee Hall, Synod Office, Zomi Colony ah Pension piehna um ding hi. Tualeh ama maban sem dingin Nh. T. Naomi Goulianching lah tha ahi toh kituoh in August 01, 2024 in a join panta hi.
11. Synod Jr. Accountant sem ding lahna um ding ahina ah Hattuum sung mi a lunglut leh chinna neiten tam anei a kitahlang bangin ngaiven thei ding hi:

Kingetna pieh thei tah	: 13th August, 2024
Applicants documents screening	: 16th August, 2024
Written leh Computer Test	: 21st August, 2024 10:30am
Personal Interview	: 22nd August, 2024 10:30am
12. ZPYF Coordinator ding lahna um ding ahia, lunglutna nei leh chitna neiten tam anei a bangin ngaiven thei ding hi:
Last date of submission : 9th August 2024
Interview & Basic Computer knowledge : 13th August 2024 (Tuesday)



TUIPI TUNG AH HUIPI HAT

(Nasepte 27:13-44)

By: Upa Suankhanmang
Tangpijol

*“Ni tam tah ni leh Ahsite kilanglou in, Huipi hattah alang zing a,
hinding mongmong ka kinem non sih uhi”.*

Kret Tuipi gei zui a, Tembaw a khuolz in simhui nem awlawl a ahing lantah in adeilam tah uh mu in akithei ua, Tembaw ia-kipna khaute asut khie ua, Kret Tuipi gei zui in a kitawl uhi. Tuabang a aum laitah un Kret Tulaisie gam akipan in Eroklidon huipi hattah ahing lang suh a, atuonna uh Tembaw ahing phuta hi. Tuachin Tembaw apeizou non sih a, thunun zounonlou in aha kheta uhi, Huipi hattah in Tembaw ataw koikoi a, tuachin Klauda kichi Tuilaisie gamkhat zulzul ah atai ua hasatah in kuongneu khu abitsah hamham uhi, Eroklidon huipi hattah in ahing taw koikoi ahiman in, Sartish Sehnal lah ah ahing lenlutpi ding kazau mama zieh un temnbaw puonzate kapuosah ua, tuachin Tuipi tung ah huipi hattah in ahingtaw koikoi ta hi.

Tuachin azingni khuo ahing vah tah in, Tembaw jangsah ding in tembaw vante tuipi ah apai ua, ani thumni in zong, tembaw zangsah ding in tembaw vante akhut ngei un tuipi ah apaikhie uhi. Tuachin “ni tamtah Ni leh Ahsite kilangkei lou in huipi hattah alang zing a, hiding mongmong kalam en non sih uhi, Hinanleh sotpi Anne lou a aum nua un, Paul alah uah ahing ding a pute aw Kret tulaisie apat kipan khelou ding a ka thugen ngai u’lachin tambang sietna leh manna tuohlou ma ding hive u’chin tu in lungmuong tah a um ding ka hing ngen hi. Aziehpem nalah ua koiman ahinna amansuo sih ding

ua, hinanleh Tembaw ase ding hi. Ana kasep Pasion Vansawlsieng tuzan in kakung ah ahing ding a, “Zausin Paul Kaisar mai ah na ding ngeingei ding tualeh ngai in Tembaw a natuonpi tengzong Pasion in ahing pieh ahita” ahing chi a; tuaziehin pute aw “lungmuong tah in um un Pasion kagingta a ahinghil bangbang in a um ding hi” tuaziehin tuilaisie gamkhat ah ahing sepdoh ngeingei ding achi hi.

Azan som leh lina achinna ah Andra Tuipi tung a huipi hattah in ahing tawkoi koi lai in, tembaw hehte in gamkhat tung ding hita chi ahing thei ua tuithudan lam somni ahi chi zong ahing thei ua, gamla

deu a peizou ua ahingte kia u'leh, tuithuh dan lam sawm leh nga in ahing theikia uhi. Tuachin Tembaw in suongpi phukha ding zau in tembaw meilam ah Siaka akhie ua khovah ngah in thu a ngenta uhi. Tembaw hehte in Siaka khie kipang in, kuongneu khu tuipi a khie in tembaw taisan atumta uhi. Tuabep in Paul in Galkap lienpa kung ah tam mite kuong a aumden sih u'leh na bit sih ding uh achi hi. Tuachin galkapten kuongneu khaute sattan in akesuhsah ta uhi.

Khovah kuon in Paul in a unpi un ann ne ding in asawlta a, tuni ann ngawl a na umna uh Ni som leh Nili ahita a, tu in nahinna ding ua ann neding in kahing ngen hi. Tampen nahinna ding uh ahi, noute koiman asam zang khat zong naman suo sih ding uhi achi hi. Paul in tamte agenzou in Tanghou ala a, amasang uah Pasion kung ah nuomthu tut in aphalsuo a anepanta uhi. Tuachin ama uh zousie hing ki thathou sah in ann ane chietta uhi. Tembaw sung a um zousie mi zani leh som sagi leh guh ahi uhi. Tuachin ann neh zou in tembaw zangsah dingin mangbute tuipi ah apaita uhi.

Tembaw kisie amite suohta

Azingni khuo ahing vah tah in, atunna gam uh atheita sih ua, hinanleh tembaw kholna pieutah khat tuipigei ah amu uhi; tuamun a tuntei tei ding atumta ua, siaka te khie in, tembaw heina puonzahte asut ua, amai lam ah huisem ding in puonjahte azahtou ua, tuachin tuilianpi ni kisuhtuona ah alutkha ua, tembaw mailam lei ah akiphutdenta a, suhling guollou in aumta hi. Tuachin galkapte in saltangte tui jap a galkai umkha va achi ziehun tha atumta uhi. Hinanleh galkap lienpen in Paul ahundam ut zieh in galkapte siltup akham a, tuipeh siemteng tuipeh a galkai ding thu apie a, tuaban ah adangte, pawlkhat kuong dang tung ah, pawlkhat tembawsie singphal tung ah tuong in, a unpi un agalkai chietta uhi.

Tulai Meitei gal buoizieh a ihun mandan toh akituoh mama hi. Tambang hun hasa a i umlai un leng Solomon kung a Pasion thugen simva ui, "Ka min a kilou, ka mite kingaangiem a athum ua, ka maipha asui ua, a umdan giloute uh akiheisan uleh, Van a kipat in kang ngaikhe ding a, a gam uh kadam sah ding hi" (2 Khangthute 7:14). Amen.

“GINGTUTE CHI LEH MEIVAH AHI UH” (Mat.5:13)

(Bible Study)

By: Upa T. Mangnou, Tuining

Thumapui:

Pu Editor leh Tangkou simtu mimalte I Mangpa Jesu Krist minin itna chibai. Atunga thupi tahlat dungzuiin, ‘Chi in aalna mansuo taleh ...’ chi leh “Meivah law khu khum ...” (Mat.5:14-15; Mk.4:21-25; Lk.8:16-18)-chi leh Meivah te khu poimawna kibanga agen ahi laiin, tu a ihoulim ding khu chi thu, Jesu’n gente thu a azah tungtawnin Thuhun Lui leh Thuhun Tha ah chi khu umzie nei leh manpha taha gen leh zah ana hi. Jesu kammal Synoptic Gospel-te’n hamzah tuomtuoma a na gente uh Bible study tobang leh tom thei bangin i houlim ding uhi.

1. Thuhun Lui (Israel-te khang) laiin, Jebel Usdum muna Chi khuom (Salt piller) khu Tuipi shi (Dead Sea) level apata mel 7 (km.11) vel a Sangin aum luah mai hi. Aziehpen Tuipi shi leilung (suface) khu khohun kiheng zelin, tuami’n chi suong muol banga luong lum a um sah hi a kichi hi.

A al na bei thei CHI umzie:

Malai Israel-te hun laia chi asiem dan ukhu nam ni banga gen thei ahi: Tuate

1) Tam Tuipi shi pang leh a kimvel lahah lei thuh taha touin asungah tui a sungdim ua, lim a imu bangin chi khal-te mai mai ang um masie tuite khu ahu (vapor)-a leng mangsahin chi a na suoh a, tua khu aluoh zel uhi. 2) Tua lou, Palestina gam, Tuipi shi product kichi khat khu ‘Potassium Chloride Salt’ a chi ua, tua khu kum khat sung vel kizang thei ahi tangpi a, tua banga

kibawl chi-te khu Jesu’n lasawnin gente thu gen na’n a na zang hiin misiemte’n a gen uhi. Chi vang khu aalna beitheilou dinga ngai ahi laiin, aalna beithe chi ana um ngut ahi tuoh hi. Lim a imu bangin ‘aalna bei thei achi’ nam-te khu Tuipi shi product ahi a, tuate a guarantee abei masangin kumpi nasem-te Law (Salary) or sum thakhel a zangin a zang manpha ma ma uhi.

Hinanleh, a guarantee ang bei tah chiengleh, Kenlei (step) dinga thuopin mun sang kaitouna vela a na zah ziehun tua khu ‘Mite tot gawp gawp ding’ chi kammal bukimna hing suoh ahi a ki chi hi. Tua bangte khu Khantan Hoi Mark leh Luk-in ‘Panna bei, eehlei a dinga zong hoi lou, Leitang a dinga zong hoilou, mite paimang ding mai khu a manphatna ahi tah thu agen hi (Lk.14:34). Mat.5:13-ah: “Lei chi na hi ua, hinanleh chi in a-alna mansuo taleh, bangchi’n asu

al thei kia tading uoi? Phattuomna neilou, mihingte totchil gawp gawp ding giapa paimang ahi ding hi” Tuabanah, chi khu a guarantee a bei masie’n nichin poimaw vanzah bangkima zah ahi a, Kumpi nasemte law in zong azang ua, Salt apatin Salary chi kammal hing pienkhiehna zong ahi chi’n misiemte’n agen uhi. Tua khu tahsa Kristian toh gente ahi. Tui leh Hagau a piengtha nai lou, Sakhuo piengtha, Van gam mu (Piengtha lou Kristian) (Joh.3:3) a imute hi dinga ngai ahi uhi.

Mk.9:50 “Chi khu ahoi a, hinanleh, chi-in a-alna mansuo taleh bang na chi alsah kia ta diei? Tam kammal khu McKenzie, John L, in Nuazui hinkhuo ah Krist mi chiet hi na nei leh Leitung tanvah ding vaah toh agen khawm ahi (cf. Mat.5:13, 14). Tuaziehin nuazui khatin ‘chi nei chiet ding’ khu silphut ahi. Tua louah, Thukhen khumna leh gawtna huoisetah zong keng khawm hiin agen hi. “Tuaziehin nouma ah chi nei chiet unlen, kituoh diel diel un” achi hi. Tam muna a langsal dieh khat, Chi khu lemna ahi banah thukhenna huoise tah zong akawh hi (Mk.9:49). Lk.14:34 en kia lei “Chi khu ahoi a, hinanleh, chi khu tam taleh bangchi’n a ki alsah ta diei?, Lei a dingin lah ahoi sih a, eehvum (moisture) dingin lah ahoi

tuom sih ding a, mi’n apaidoh zel zaw uhi a chi hi.

Tua banga Tuipi shi product ‘Potassium Chloride Salt’ kichi a kizah thei sungin manpha taha zah thei himaleh, a guarantee abei leh suh al thei kia tahlou, mite tot gawp gawp ding, leh apaimang ding khu a manphatna umsun ahi bangin Gingtuo hinkhuo zong tua bang um thei ngei ahi chi agen nuom pipen ahi. ”Na kisia sih leh na meivah khuom suon khe vang” (Kih.2:5). Tam munah Meivah khuom khu gingtuo hi-na or manphatna ahi a, mi’n a manphatna a mansuo kalsie mihing gamah Pasian mi hina aum nawn sih china ahi ding hi.

Synoptic Gospel sunga Jesu gente thu 39-vei umte lahah tam chi gente thu khu poimaw dieh va i chi thei phiel hi..Hinanleh apoimaw chiet tham ding hi.Chi hingal, a alna beithe chi khu kamham tangpi banga ngai thei hinanleh, sil um, a kimu theiloute toh gente thu agen zel zieh ahi.

A alna bei theilou CHI umzie:

Tam thu kichet na dingin a alna bei thei lou, Original Chi aum ngei hi chi thei theina a um hi: Bhavnagar khopi, Gujarat state sim lailung, Khambhat tuipi hing dawh tuom, tum lam pieujang ah 1723 laia na kibulpat “Cental Salt and Marine Chemicals Reseach

Institute” kichi a um a, tua khu Jawahar Lal Nehru in kum 1954 April 10-in honna (dedication) ana nei hi. Tua khu India Gam mai zong hilou, Leitung gam tuom tuom tam tahte’n leitunga chi hoi pen lahna munpi a azah uh ahia, tua Research Central-a kibawl chi te’n sietni leh guarantee bei hun zong anei sih hi. Tuabang te khu Bible-in ‘se theilou, Leng siempinam, (cf. 1Pet.1:4; Tuum (Palm) sing banga khanpha leh Lebanon muola Sidar singte banga khang...” a chi te; Lat.92:12; ‘michin bang chibanga dawn ding ahiei chi thei a, ham kamsuoh hepina pang, chi kisaw hi ding. Paulin ana chi te (Kol.4:6) khu gingu hinkhuo a manphatna hinkhuo Jesu Krist thu ngaikhie a zuite sungah manphatna aum ding khu Jesu’n ang peisan te laha khatin agen poimaw ma ma hi. Gingu hinkhuo a tam bang dan a hi sih leh, ‘Aapi gilou, kot lama pang’ ama lah lut lou, alut dingte dal (Lk.11:52) “Pilna Chabi peimangpi in, ama lah lut lou, mi dang lut dingte dal” kichite bang suoh ding ahi chi khu Jesu’n Pharisai ki Pasian misah ma ma te a enghouna ahi hi (Mat.23:13).

Hichi khopa Chi a ngaisangna zieh khu “Thuhun Lui pansana azah ahi a, Thuhun Tha ama’n ang belap zel hi. Thuhun Lui ah Chi bang chi banga poimaw ahi chi i en ding uhi:

- a) Siempu vanzah, kithoina halmang silte khu Chi toh asiensuo zel ding (Eze.43:24); chi ahi.
- b) Kepbitna vanzahn ana zang uhi (Lev.2:13), i.e .An se thei dingte khu chi toh a kemit zel uhi.
- c) Gimnamtui nam khat in zong a ngai uhi (Ex.30:35);
- d) Silpieh nam khatin a sim uhi (Ezr.6:9);
- e) Jeriko tuinah siensuona vanzah ahi (2Leng.2:19-21).

Thu khumsinna:

I nichin hinkhuo leh damsung hunah Krist nuazui dih tah hi dingin Hagau lam tuom tuom tuom umte lahad adiehin CHI nasep theina nam chikima aum bangin gingu in chi manphatna bang hinkhuo kemit leh nuazui hi man ahi ding a, eima kigen hoi ngai louin, I hinkhuo ah mite’n ei mu thei ding hi chi ei zilsah hi. Mangpa’n simtu mimal guolzawl ta hen.

THEISAHNA

Nh. T. Naomi Goulianching in Synod Sr. Accountant semta ahina ah ama thatang dingkilah masang sie Tv. L. Kamkhenhang, ZPYF Secretary in ZPYF Coordinator mawpuohna alah phot ahi thu i kitheisah uhi.

NOUMAN NEH DING PIE UN

(Mk. 6:34)

By:- Upa Thangzasuan, Kanan Veng

Tualeh Jesu a hing pot doh tah in, mipi tampi tah amu hi. Ching ding neilou Belam te bang ahizieh un, ahepi sengseng ta hi. Thu tampi ahil ta hi, tuachin Ni ahing ngiem tah ziehin, anuazuite a kung ah ahing pei ua, tam gam sip gamdai ahia, hun lah a vaigei tahi, ama un kim vel a loute leh khuote a avapei ua, aneh ding uh bang ahiei khat beh, alei theina ding un solkhie in, neh ding bangma anei sih uhi, achi uhi.

Mipi tulnga (sangnga) vahna thu pen etsahna poimaw tah nei ahizieh in, Khantanhoi bu li (4) ten, agen kim chiet uhi. Hinanleh agendan uh pen a kibang kim sih hi, amun pen Johan in, Galili tuipei Teberia gallam achi hi. Gamdai gamgo senel lah ahi, Numei, naupang sim lou mipi tulnga ten khovel a mihingte a ensah hi. Tualeh Tanghou leh nga in hinna tanghou van apan a hingpei suh a ensah hi. Aumdan khu Mangpa Jesun khovel Hundampa hinna tanghou a, avah ding etsahna bang ahi.

Mangpa Jesun mipite thu ahil lai in, nuazuite ki pilvang sahtah in, hichin ahing gen uhi. Mangpa aw Ni lah a vaigei ta a, mipiten neh ding zong anei sih uhi, tuaziehin, ikim vel a neh ding asui theina ding un, hakhe doh in (sol khedoh in) achi uhi. Mangpa

Jesun angaituo leh tami gamdai gamgo senel lah ah neh thei amu lou ding dan uh athei zieh in aphal sih a asol doh ut sih hi. Aziehpén soldoh ta mong leh zong bangma amu masang un, khomiel in alap ding a, khomiel nuoi ah gilkiel dangtah in abuoi giep ding uh chi athei ziehin aphal sih a, nouman neh ding pie un achi zawta hi.

Tuamabang in tulai in zong nuazui pawlkhat in gingtu, Hattuumte kung ah nouma hinna ding chiet kisui un, piengtha un dihtat un siengthou un chin a sawl thei moh uhi. Gamdai gamgaw senel lah a neh thei ding, aum lou bangin ilenna uh khovel gamdai gamgaw gim leh gentheina ka leh mauna gam ah piengtha nate, dihtatnate leh siengthounate a um thei sih hi, tuaziehin Mangpan nouman pie un achi ahi, tuapen Pasian thu Bible a umte simpil unlen, atheisiemna ding un hil un achina ahi.

Sawltah Paul a thugen khat, ingai masa ding hi, Aman sil zousie, ama thu thu a, aumsah theina nasepdan dungzui in, itahsa thulimlou khu ama tahsa thupitah batpi in, ahing bawl thapieh ding hi, achi hi. (Philipi 3:21). Tualeh (I Kor. 6:11) na ah, Unaupa, Sawltah Paul in hichin agen kia hi. Nalah ua pawl khat tuabang mi nahi ngaita uhi. Hinanleh zong, Mangpa Jesu Khrist min leh i Pasion uh Hagau a sawpsieng nahita ua, suhsiengthou nahita ua, siemtansah nahita uhi, achi hi. Tuami khu ahi nouman pie un, hil un achi khu ahi.

Andru in, Mangpa aw, naupang khat in Tanghou nga leh ngani anei hi, chin ang thangkou ta hi, mipi tuaza lai ah mimuon huoi tahtah te leh mihausa ten zong bangma anei tuom sih uhi, hinanleh naupang neu khat in mipi tuaza neh ding ana nei khinkhien akhu, tuamin a etsah khu imi muon mamate sangin dai kil kawm a um phoh khah lou khat in, mipite vahna ding Hundamna thuguh aneizaw, a kemzaw china ahi. Hinanleh Tanghou nga leh Ngani pen ahom thaw veuvou nalai uhi. Kiching thaw dingin, aumsih uhi. Mihingte ngaituona leh suongtuona a vang tahsan aha mei thei hi. Hinanleh Mangpan hingla un achi ta hi, sil bangkim Mangpa a kingah ding in, ama pieh ding china ahi, achi

bangin apeta uhi.

Vanlam en in, aguoIjawl a, tuazou in mipi lah a hom dingin anuazuite apesawn kia ta hi, a etsah khu Hundamna thawnpieh pen Pasion in ama khut a ang pieh lien ding hilou in, nuazuite leh Sawltahte khut tungtawn a, ahingpieh ding etsahna ahi. Tanglai a, Israelte zong Pasion in sil khat pouvou apieh ding chieng in, Mosi tungtawn a, apieh bang ahi, nuazuiten, Tanghou nga leh Nga ni pen ahomthaw veuvou uhi. Mangpan akiching dinga aguolsa ahita chi athei ban mawngmawng sih uhi. Tuama bangin tulai in zong Pasion thugenten Hundamna thawnpieh agingta pouma in amu mai ding pen amuong ngam mawngmawng sih ua, bawlbe ding leh ngawl be ding asui sui mai uhi. Tuamin gingtu Hattuoimte alung opkai sah mama mai ta hi. A lung kesah ta ua, a thada sah ta uhi, tuaziehin sil poi tah asuohta hi. Aziehpén lamkai lien tahtah te gen ahizieh in, damlai khovel ah nielzaw ding ahi sih hi. Hinanleh Pasion thu banga pom lou ding ahi. Sawltah Paulin hichin achi hi, tuaziehin mihingte deina zieh leh kipau bawlna zieh ahi sih a, ang hepipa Pasion zieh ahi zaw hi, achi hi. Rom 9:16. Tualeh I Kor. 10:32 na ah hichin agen kia hi, Judate ahiei Greek te ahiei ahisih

leh Pasion Hattuomte hitaleh apuona dingun bangma bawl sih un ken sil bangkim ka bawl na ah, mizousie lungkim sah ding katup bangun, keima phattuomna ding guoh suilou in mi tampite hundamna ding leh phattuomna ding ka sui zaw hi, ana chi hi.

Pasion thugen kichi pen mipite thu ngaite kipah theina ding gen ding ahi, mite puoh gih guot lou ding ahi, kum tamtah Pasion thu ina oita ua, hinanleh haltahna atung nai sih ahi. Aziehpén thugen tuten mi chitlouna teng ban tolem uh, mi kellu phum teng phuong doh uh, mi khelna leh mawna teng sa gukheu a, kheu sah uh bang din ihal thei diei? Tuachi ding dan hizaw lou in, ahat loute hanthawn in alungkete, phong khang lei, mite hing thanuom van, hing kipah va un, halthana hing tung mai ding ahi. Mangpa Jesun mipi sangnga avah lai in bang a chi zieh ua, avah ahi sih, adih tat zieh uh ahi sih a, asienthou zieh uh zong ahi kan sih a, apientha zieh uh zong ahidieh sih hi. Atate ahizieh a, avah mai ahi. Tuamabang a hundamna zong agingta tengteng bang achi ziehu zong hituon lou in atate ahizieh un amanbei in ahing pia ahi. Tuazieh a iki pah dinguh kipah thu igen gen mai dinguh ahi. Pasion siltupte bangman a dal zou sih ahi. Tanglai Israelte Kanan gam a puilut ding Pasion siltup ahia, tuipi san in a dal hang in, anua kia sah tuom sih a adal tupen asattan sah zaw hi, Halleluiah tuama bangin ei gingtute hundamna ding zong bangman adal zou sih ding ahi.

Anuazuiten, hawmthaw simpipi in hawm nan uleh neh senglou uh Seu sawmleh ni aval zou ahi, Pasion thu pen kisam ngailou ding, ihawm tam zoupou leh pung toutou ding china ahi. Tuazieh a, chil bawl lou ding, zauthawng lou ding, hangsan tah a hawm ngam ding, gen ngam ding puon doh ngam ding ahi, atawpna a, ka gen ut pen khu Hundamna thawnpieh pen bangman dal zou lou ding ahi tawm simbangin lang nanleh hawmthaw huoi nan leh zong uoiin asuhpung bangin, supung veve ding ahi. Tuaziehin, U leh naute patau sih va ui, thawm hau sih va ui. Zauthawng sih va uoi aw? Chi in kahing vaihah ahi. Mangpan sil bangkim bawlthei ahi khu, simtu zousie um nuom leh Mangpha.

KHANGLAI NI 2024

man nuom chiet va ui

**Bible a Mangpa Jesu tungtang genlohna
Thuhunlui a puon lohna leh Thuhuntha a tun bukimna**

By:- Upa H. Nengkhai
Central Church

Puonlohna thute	Thuhun lui ah	Thuhun tha ah
1. Numei ta piang	Genesis 3:15	Galatia 4:4-5; Lk. 2:7
2. Abraham hah leh suon	Genesis12:3; 18:18	Lk. 3:34; Mt. 1:1
3. Issak hah leh suon	Genesis17:19	Mt. 1:2; Lk. 2:34
4. Jacob hah leh suon	Gen. 28:14; Num. 24:17	Lk. 3:34; Mt. 1:2
5. Juda hah leh suon	Genesis49:10	Lk. 3:33; Mt. 1:23
6. David hah leh suon	Isai 9:7; 11:1,5	Mt. 1:6
7. Bethlehem a piang ding	Mika 5:2	Mt. 2:1; Lk. 2:4-7
8. Pian hun	Danial 9:25	Lk. 2:1,7
9. Nungah siengthou hin	Isai 7:14, 9:6	Mt. 1:18
10. Naungeh thalup	Jeremia 31:15	Mt. 2:16, 18
11. Aigupta a atai dohna	Hosia 11:1	Mt. 2:14-15
12. Galili a nasep patna	Isai 9:1-2	Mt. 4:12,16
13. Jawl nei ahi	Deutronomi 18:15	Joh. 6:14
14. Siempi ahi	Sam 110:4	hebrai6:20
15. A mizie	Isai 11:2	Lk. 2:52, 4:18
16. Juda ten nuol uh	Isai 53:3	Joh. 1:11
17. Leeng bang in Jerusalem	Zakaria 9:9	Joh. 12:12,14
18. Aalom in mansah	Sam 41:9	Mk. 14:10
19. Teng 30 a zuoh	Zakaria 11:12-13	Mt. 26:15
20. Khum paisa khu mun lei nan a zang	Zak. 11:13	Mt. 27:6-7
21. Theipitu zuaute heh	Sam 27:12	Mt. 26:30
22. A hehna uh dong lou	Sam 53:7	Mt. 26:62,63
23. Vua in chil phi khum uh	Isai 50:6	Mk. 14:65
24. Azieh bei in muda uh	Sam 69:4	Joh. 15"23.25
25. Ei din a thuoh	Isai 53:4-5	Mt. 8:16-17
26. Migilou te toh khen beh uh	Isai 53:12	Lk. 23:34
27. Abawl sete din thum	Isai 53:12	Mt. 27:28
28. A khut leh keng kil uh	Sam 22:16	Joh. 19:18
29. Musit a eng hou uh	Sam 22:6,8	Mt. 27:29,40
30. Sil kha leh uain thuah pia uh	Sam 69:21	Joh. 19:29
31. Nuisan in enghou uh	Sam 22:8	Mt. 27:43
32. Anah ah asun uh	Zak. 12:10	Joh. 19:33-34
33. Apuon silte akihom uh	Sam 22:18	Mk. 15:24
34. Agu khat zong sutong lou	Sam 34:20	Joh. 19:33
35. Mi hausa kung a vui ding	Isai 53:9	Mt. 27:57,60
36. A thou kia na	Sam 16:10	Mt. 28:9

37. Van ah ka ta	Sam 68:18	Lk. 24:50-51
38. Pasian taisan (etsan)	Sam 22:1	Mt. 27:4
39. Ni nukhia hundamtu	Job 19:25	Thup. 5:10
40. Siamtu	Sam 102:25,17	Joh. 1:1-3
41. Luh thin khum	Sam. 109:25	Mt. 27:39,40
42. Zion a suong	Isai 8:14	Rom 9:32-33
43. Mial lah a vah	Isai 9:12	Mt. 4:12,16
44. Vaihawm ding nau piang	Isai 9:6	Mt. 9:27,33
45. Suhdamtu	Isai 35:6	Mt. 9:27,33
46. Suohpa teltuom	Isai 42:1-4	Mt. 12:17,21
47. Pasian belamnou	Isai 53:7	Mt. 1:29
48. I lunggimna a puah	Isai 53:4	Mt. 8:16-17
49. I dihna	Jeremia 23:36	Rom 10:3-4
50. Hinna tui khuh	akaria 13:1	Joh. 4:14
51. Belampu Hoi	Isai 40:9,11	Joh 10:11
52. Panpitu hat	Isai 63:1	Mt. 9:6

.....

TULAI NITE A HOILOU ZIEH IN MANGPA NNA SEM IN (Eph. 5:16, II Thess. 3:10)

By:- Upa Khupsuankham
LDCC Hiangzou

1. Na hun neisunte uh zang hoi un chi umzie: King James Version English Bible ah “Redning the time” chi ahia, tua khu hun lei ding china ahi. Mizo Bible a aledan: “Remchanna” ‘lei zel un’ chi ahia, aledan dih pen a thei ahi. Etsahna’n nitha mikhat ah Rs. 200/- hitaleh Hattuum natang (Social Work) ah vakuon taleh Rs. 200/- mulou ding china ahi. Tuazieh in Mizo Bible a “Remchan nate” hi kichi khu hun neisun zanghoi china ahi. Zou Bible ah nahun neisun uh zang hoi un chi ahi.
2. Pulam mite lah ah pilvang un: Paul in Kolossa te kungah hun lemtang lei in pulam mite lah ah pilvang tah in um un, michin bang chi bang a houpi ding ahiei chi natheina ding un naham kamsuo uh hepina, khaizu bang leh chi kisaw bang a al zing ding ahi, ana chi umzie khu hun lemtang a umleh alemtanglou a um china ahi, tua khu Pasian deiloulam nasep thu ang theisah hi. Pulam mite chi in Hattuum pulam Pasian gingtalou te genna ahi. Hattuum sung a mite lah guoh hilou in pulam mite lah ah pilvang tah in um un china ahi. Hun khu

- kilei in a china zieh khu, hun mangsiemte mipil ahia, silpha ang pawlut ding a, amangsiem louten vahvaina ang pawlut ding uhi. Nang mithasie aw Mesite kungah pei unlen, a gamtat dan uleh anasep dan uh ngaisut inlen pilin (Prov. 6:6-11).
3. Thupil in mithasie nasemlou a: Hasatna a kiheimangsan leh ahing vah ding hi. Hing vah chi khu mibang lou tasam ichi khu hasatna nawh ngamlou a nasem loute kung ah Pasion akipahsih hi. Mithasie khat in a ihmu kim lai thou in kotphung ah humpi hat a kuol chi'n a lumkia a, puon aki lukhu hi.
 4. Zilna sang "University" khat ah: Sangnaupang tampi a um a, pawl khat in Principal kungah, athasiet man un ka nute, ka Upate uh adamlou zieh in a enkol a inn a ka pei uh ngai hi, achi uleh Principal in naupange lungtang ah silhoi lou a um hi, tua khu 'thasietna' ahi.
 5. Pasionin na tung ah: Nna tupi asepuom chiengin sil hamsa natuoh ding a, tuachieng in hasatna nana tuoh khate tanchin sim zelin amaute khu sil hamsa ana tuoh masate ahi uhi.
 6. Mel troter in: Sakhomi avah vai tampi ka mu a hinanleh Khristian dihtah avahvai ka mukhasih hi, achi hi. Sangnaupang khat in Principal kungah ka passit theina dingin ka thum zing hi, achi leh Principal in mithasie laisim loute kung ah Pasion akipahsih, achisan hi.
 7. Amanda Smith in: Negro numei khat puonsop a kilaw khat a um a, abil langkhat na in Pasion kungah thu a ngen zing a hinanleh damthei lou in Medical Doctor khat ava ki etsah leh abil sung ah buathah mengnou khat a um a, alakhhietsah leh a dawta a, tuabep in akingaisut a, nna ka seplou zieh leh midang hoina ding suilou a ka bil damna ding chau a Pasion Pasion ka na chi khah zieh ahi chin akisia a, Pasion ah kiphawh thana in ang neita hi. Midangte adia hin dan, theipi kung in a za aneisih a, zu leh vate, ganhing te leh mihing ten ane a, tua khu midang te a ding a nasep dan ahi (I Kor. 10:24).
 8. Thupil in ih mut khelasin: Na zawn law khah ding ziehin na mit hah in, ann neh na niang ding, achi hi (Pro.20). Unau Mizo Synod in Hattuum natang (Social work asepuom chieng un "Presbyterian Hattuum ah

mithasie a um sih” chi thupi in anei zel uhi (II Thess. 3:10-11). I et leh Paul in Thessalonika te kung ah nalah ua ka umlai na ngawn in zong nna nasem sih uh chi ka thei a, nasem lou te’n neh zong nehda mai uheh achi hi (2 Thess. 3:10). Paul in nalah uah nasep thasie a zawn vah na um ua, Pasion guolnei khat bang a kigen zong na um leng uh chi ka thei a, nna nasep ding uh, achi chiin ‘Campaign’ abawl hi. Mi thasie pawl khat in Pasion hing peina ding a neitah zieh in nasemlouin a um ua, na kistem le zong aga kineman tuom sihva chilou chin nasemlou in

athaltou uhi.

9. Paul in nasemlou chini in akhen hi:

- (1) A tahsa pien ken a mibang lou a nasem thei loute
- (2) Na semthei nazen pia athasiet man a sem utlou te,

Tuazieh in, thasiet man a hasatna nawhngam loute kung ah Pasion in bangma a pieh utlou ding zieh in ihun neisunte ah Mangpa nasem in ibuoi ding uhi. (Keep busy and work) tua khu Pasion thupieh ahia, nasem dingin ikichiel uhi. Mangpa’n athu guoljawlta hen.

DAIJANG REVIVAL KHAWMPI

By Upa Lamkothawng.

Thumapui.

1961 Kum in Daijang khuo ah Pu Heldong, Dumsau village in Revival a na bawl a Pu Pumkhoginte inn ah kipansa in nu Kimzanieng toh na kithua uhi. Tuahunlai in upa namdet na umsun khu Upa Chinzakhai leh Upa Khupzavelte ahi uhi. Tuazou in Sielmat a um Pu Lalngaisang in 1962 in Revival Daijang ah na bawl kia hi.

REVIVAL KHAWMPI

Tuazou in Kum 1967 in Pu Neihau Vaiphei in Daijang khuo ah Revival na bawl kia hi. August-September ha sung in Daijang khuo ah Hagau Limna khawmpi thupitah Pasion in a mite zang in a tungsah hi. Tuanah Speaker in unaupa Pu Neihau Vaiphei khu Pasion in a zang hi. Pasion hagau pawlna leh vehna Daijang ah tung a tuanah limna leh kipahna thupitah in a tang ua Hagau puihuai dandan leh Hagau silpieh a tan dandan un lim leh kipahtah in hun a na zang uhi.

HAGAU SIENGTHOU SILPIEH
 1 Korinth 12:1-11. Sawltah Paul in Hagau siengthou silpieh toh kisai thudih tam bang in a na gen hi. HAGAU Siengthou pui a umtapou in Jesu tung ah sapsietna um hen a chithei sih hi. Hagau siengthou puilou in Jesu khu Mangpa ahi a chidieh sih hi. Hagau siengthou silpieh nam tuomtuom a um a, a pepa khu khat ahi. Nasepna lampi tuomtuom a um a Mangpa khat nasem chiet ahi uhi. Tuachieng in nasep theina tuomtuom a um a hinanleh michin ama septhei bang chiet sem ding a pepa khu Pasian ahi. Mi zousie phattuumna ding in michin Hagau in a umpi dan a kilangsah chiet a, Hagau in pilna chinteng toh thu khentheina a pie a, tua Hagau mama in mi dang kung khat ah theina chinteng toh thugen theina a pie hi. Tua Hagau mama in khat kung ah ginna a pie a, khat kung ah damlou china damsah theina a pie hi. Hagau khat kung ah sil lamdang bawltheina a pie a, a dang khat kung ah Pasian thugen theina a pie a, mi dang khat kung ah Hagau silpiehte nei leh neiloute kilamdangna a genchiensah thei a, khat kung ah ham lamdang a ham theina a pie a, mi dang kung khat ah tua ham lamdang hilchien theina a pie hi. Hinanleh zong tam zousie pepa khu tua Hagau mama ahia, a deidan bangzel in michin tung ah silpieh a pie hi. Tuachibangma in kum 1967 in unau Daijang Hattuum ah Pasian Hagau in michin tung

ah Hagau siengthou silpieh chi tuomtuom pie in Hagau pawlna zal in Halna thupitah a na tunggei hi. Tuachin unaupa Neihau Vaiphei leh a teamte zang in Pasian in a mite lah ah thupitah in Hagau sil bawltheina pie in tungsah hi.

1. Pa Neihau Vaiphei Speaker
2. Pa Kamkholal
3. Pa Pumkhogin
4. Pa Thonggou
5. Pa Lamkhopau
6. Pa Khamkhotang
7. Pa Thangtinhau
8. Pa Ginkhokam
9. Pa Goukhopau
10. Pa Khupchinthang
11. Pa Ginmeng

NUMEI LAM AH

1. Nu Kimzanieng
2. Nu Lunkhoman
3. Nu Niengkhochiin
4. Nu Mankhonieng
5. Nu Paunu
6. Nu Dimkhozam
7. Nu Kaitinhoi
8. Nu Chongpek
9. Nu. Vungnuom
10. Nu. Dimzanuom
11. Nu Manzachiin
12. Nu Zenzanieng
13. Nu Chingzanieng
14. Nu Hatzanieng
15. Nu Niengkhochiin
16. Nu Chiinkhongai
17. Nu Niengkhochiin

Tam a tung a i tahlut teng khu Pasian in nasepna tuom chiet a piehte ahi uhi Awle, Pa Neihau Vaiphei khu Pasian thu Hagau umdan gentu (main speaker) in a pang hi. Pasian hagau in a puidan bangzel in thu gen a ama tungtawn in Pasian in hagau mangthai tampi Hundamna huong ah a puilut hi. Pa Lamkhopau khu hagau tang theiloute kung ah Hagau umdan hilchientu in Pasian in a zang hi.

LIMSUONG

Pa Kamkholal khu Pasian hagau in

pui in Limsuong mutu in Pasian in a zang hi. A Limsuong mu khu a umna mun khu Daijang leh Sumtuhphai kikaal a muoltung a chiengkot umna mun khu ahi. Suong umna lah ahia tua mun ah tuinah kang ngeilou a um hi, (a pul hi). Limsuong umna khu lei nuai feet thum a thuh a um ahi. Limsuong letdan khu a dunglam feet 6 sang, a vailam feet 3 a lien ahi. Limsuong tung a kigiell khu KROSS leh AHSI 12 khu hagau a pat a theisahna a mu ahi. Limsuong toute khu hagau theisahna bang in Pa Kamkholal leh Pa Thongpu in a tou uhi. Hagau theisah leh hil bang in a tou ua a kimkhat sang a thuhzaw a tolai un Pu Kamkholal kung ah Hagau in theisahna a nei a na lawmpan a gintatlou zieh in Limsuong khu a leengmangta hi, a chiphet in Pu Kamkholal khu pona sengseng in a tona khuhsung uah kisimziel in nau kaa in kapta hi. Tualaitah in Pu Thongpu in a lungsim in feet thum chingta ding hive aw, chia a ngaituo zieh ahi. Tualeh pasal dangte in zong hagau siengthou silpieh nasep theina khat chiet a kinei hi. Revival a bawl sung uh theiloukal in ha ni a na beiman hi. (August - Sept. 1967).

HAGAU OPERATION

Hagau Operation a bawl ua suhdam theina tangte khu

1. Nu Luankhoman
2. Nu Niengkhochiin
3. Nu Manpheng
4. Nu Vungnuom
5. Nu Kimzanieng
6. Pu Kamkholal
7. Pu Khamkhozam

Natna nei damloute kung ah operation a bawlkuon chieng un hagau in mipi lah ah Hagau damdawi ang the a tuanah damdawi gimnam in bieh inn sung pumpi a zelsuo a damdawi gim a nam vengvung mai hi. Damloute bench tung ah a lumsah ua Doctorte operation bawl bang in a tahsa tung natna zawn ah a khuttal un tem a at bang in a zih ua thumna toh damloute a khule ua a thumsah ua tampi in damna a ngah uhi.

HAGAU TANDAN

Khenkhatte Hagau tang in mite kung ah Hagau hawm uhi. Mi lutung ah khut ngam in thumsah ua, ham theilou a ham in a kipei vengvung uhi. Khenkhatte hagau tang in innkam dawn ah a kikhai ua, pulpit tung ah a tuong ua a kiban lele uhi. A khente baangdawn ah kal in innku ah kikhai in a zap lele uhi. Bieh inn mai ah pa Khupchinthang leh a lawite in mi Chibai bu ua na khut leh Pasian koi a naizaw ei, a chi ua khut chite lutsahlou in Pasian chite chauh a lutsah uhi. Nu Lamkhoman khu bieh inn sung ah tep leh muom, dummuom, tuibuh leh dumziel pote mantu in a pang a hagau in pilna pie in tep leh muom pote a mandoh paipai uhi. Mi a en ua, a puo leh puolou a theingal uhi. Tualeh Tv Kappi lawi in a tep leh muom puote uh naupang Tualgouthang a posah ua nanleh a theingal uhi. Baang hawm a kiphuolte zong a theingal ua, tep leh muom a dap puo a umleh um nalai, um nalai chi in a long

lele ua a mudoh thouthou uhi. Nu Mankhonieng khu hagau damdawi hawmtu in a pang hi.Hagau in pawl in hagau

tanglou tampi in hagau pawlna a tang uhi. Nu Niengkhochiin khu pienthana hagau hawm in a pang a Pasion hagau in umpi in mi tamtah in pientahna nga uhi. Nu Kimzanieng khu pienthana hagau hawm in a pang a vangam a naita,kisia un, na khelnate uh tawpsan un,Pasion kung ah Thupha tawi un,chin a tangkoupia,a lutung uah khutngam a thumsah a mi tampi in khelna kisia a Thupha tawi in hagau a tang uhi. Numei dangte in zong hagau silpieh a kinei chiet uhi.

NU KIMZANIENG HAGAU HAM.

“Haleluija,Haleluija,
Huri ban fai huri
Haleluija,Haleluija,
Huri ban fai huri”

A tung a min kigielte a tamzaw in ang muolliemsanta uhi.A min kigielkhalou zong a um ding a, hagau silpieh nasep dan uh gelkahlou zong um ding hi. A tangthu kinua sut ahi zieh in a kimlou leh dihrou tampi a um ding hi. I gam a Pasion hagau nasepna thupitah a na tunna Daijang khuo i ngaisang ua i kipahpi uhi.Tuahunlai a Pasion hagau pawlna a na tangkhate a shitan un linglou in a um ua a hagau

tang un zong a hasuo sih hi.Tu in zong a dam nalai mi a um ua tuate zong lingloukei in a hinpi nalai uhi.Daijang khuo a Pasion hagau nasepna in I gam zeltou in Saipum khuo ah,Sehken khuo ah,Buhsau khuo ah,a banban in hing zeltou in I gam ah Pasion Thupha mi tampi in i hinpi uhi.

DAIJANG khuo khu ei Zoute a ding a kho poimaw pen ahi.Daijang khuo khu sakhuo lam ah i kibulphuna khuo masa pen ahi Kum 1953 in JCA Jou Christian Association(MGP) na kiphutkhetna mun poimaw mama ahi.Kum 1975 in Zou Interconfessional Bible Translation project kiphukhetna mun poimaw ahia Zou ham a Holy Bible i nei masahpen uh kilekhetna mun poimaw ahi.Kum 1972 in ZNC Zomi National Congress kiphukhetna mun poimaw ahi. Kum 1967 in Hagau Limsuong kitona munpi poimaw mama ahi. JCA Silver Jubilee Suong kiphuna mun poimaw ahi. DAIJANG kho sung a biehna inn um masa khu JCA (MGP) bieh inn ahia tunitan um zing hi.EFCI bieh inn zong a na um ngei hi, ZCC bieh inn zong na um ngei hi. Lutheran bieh inn zong na um ngei hi. Tualeh PCI Reform bieh in zong hun sawtlou a pat in na um hi. DAIJANG khuo leh tuite Pasion in umpi zingta hen.

TUNNU LIMEL PANPITE

21st June to July 2024

- 1. PWF Tuibuong, Anntang 127kg
- 2. PWF LDCC Hiangzou, Anntang 62kg
- 3. PWF Shillong Rs. 3,000/-
- 4. PWF Daijang, Anntang 45kg
- 5. PWF Tuining, Anntang 50kg
- 6. PWF Teisajang, Anntang 40kg
- 7. PWF Lailam veng, Anntang 173kg
- 8. PWF Awnchinkap khuo, Anntang 67½kg Rs. 200/-
- 9. PWF Kanaan Veng 73½ kg
- 10. PWF Zoumunnuam 51½kg
- 11. PWF Thingkangphai 78½kg
- 12. PWF Tangpijol 67kg
- 13. PWF Hiangtam 41kg
- 14. PWF Hiangdung 42½kg
- 15. PWF Delhi, Anntang tang Rs. 5,000/-
- 16. PWF V. Bethel 50kg
- 17. PWF Hiangtam Jang 39kg
- 18. PWF Bengaluru, Anntang tang Rs. 2,000/-
- 19. ZPCS V. Bethel, Haitha a haichite
- 20. ZPCS Tuining, Haitha a haichite
- 21. ZPCS Singngat, Haitha a haichite
- 22. ZPCS Tangpijol, Haitha a haichite
- 23. Chingzanuom, Central Church Rs. 100/-
- 24. Tv. T. Kaplunmang Zou, Jengbey Mission Field Rs. 1,000/-
- 25. Presbyterian Church of India, Tuining
 - 1) John Paul Kamlalmuan Rs. 40/-
 - 2) Upa Ginsuankhai Rs. 300/-
 - 3) Neijem Rs. 40/-
 - 4) Hauching Rs. 50/-
 - 5) Chingboi Rs. 50/-
 - 6) Hauching Rs. 150/-
 - 7) Lianchinthang Rs. 50/-
 - 8) S. Thangchinpau Rs. 200/-
- 26. PWF Shillong, Anntang tang Rs. 3,000/-
- 27. Nu Chingnou Rs. 1,000/-
- 28. Flora Hatnu, UK Rs. 40,000/-
- 29. Nu Niangpi, Zomi Colony Rs. 4,000/-
- 30. Nu T. Lalbiaksangi, Lailam veng Rs. 10,000/-
- 31. Chiinneihoi, Central Church Rs. 250/-
- 32. Chiinmuonkim, Central Church Rs. 2,000/-
- 33. Tv. Kaplienmung, Central Church Rs. 1,000/-

34. Nousuonching, Central Church	Rs.	500/-
35. PWF Munpi, Anntang tang	Rs.	2,000/-
36. Dr. Philip Thanglienmang	Rs.	5,000/-
37. Tv. Velzagin, Central Church	Rs.	500/-
38. Manneihat, Central Church	Rs.	1,000/-
39. Nu Donneiching, Central Church	Rs.	50/-
40. Presbyterian Church of India, Muollum		
1) Mangdeiching	Rs.	3,000/-
2) Nienggaihkim	Rs.	1,000/-
3) Thangbiehmuon	Rs.	520/-
4) Suonnieng	Rs.	130/-
5) Niengneilam	Rs.	110/-
6) Suonpau	Rs.	100/-
7) Chiinnuomvung	Rs.	70/-
8) Chiinneihoi	Rs.	60/-
9) Vunghaulien	Rs.	50/-
10) Thangkhanlam	Rs.	50/-
11) Chingngaimang	Rs.	40/-
12) Vungsuonching	Rs.	30/-
13) Nienghoikim	Rs.	20/-
14) Niengngaiching	Rs.	20/-
15) Nuomkhanngai	Rs.	20/-
16) Chingsienmuong	Rs.	20/-
17) Nienghau	Rs.	10/-
18) Thangmuansang	Rs.	10/-
19) Paungainieng	Rs.	10/-
20) Nehkhantong	Rs.	10/-
21) Chinghat	Rs.	10/-
22) Min Zou	Rs.	10/-
23) Ginmuonkap	Rs.	10/-
24) Kimneiching	Rs.	10/-

THEISAHNA:

July hachin Anntang ang submit man nailoute next issue a hing kisuo ding ahi chi ka hing theisah hi.

Petu zousie Mangpan'n hing guolzawl taken.

NOTE: A dihrou kha aum le office a suhdih zing thei ahi.

Sd/-

Nh. Christina Chinghatkim
Secretary for Women's Relation.

.....

**ZPYF 68th GENERAL CONFERENCE
PRIZE SPONSOR DING SUINA**

ZPYF in Pasion hoina leh Pasion mapuina kinem in 68th ZPYF General Conference 2025 nei a kisawm hi. Tuanah Khanglaite leh Hattuum mipite lah a Pasion a kiphalna neite a Prize hing sponsor sah thei ding ZPYF in a kisui hi, koipou Khanglaite lah a Manggam nna sem ut leh kiphalna neite dingin tam anuoi a prize te sponsor thei zing ahi.

<u>No.</u>	<u>Kidemna Item</u>	<u>Prize Amount</u>
1.	Unit Lapawipi 1st prize	Rs. 20,000
2.	Unit Lapawipi 2ndprize	Rs. 15,000
3.	Light Choir 1st prize	Rs. 15,000
4.	Light Choir 2nd prize	Rs. 10,000
5.	Quartet 1st prize	Rs. 10,000
6.	Quartet 2nd prize	Rs. 8,000
7.	Bible Choreography 1st prize	Rs. 15,000
8.	Bible Choreography 2nd prize	Rs. 10,000
9.	Bible Quiz 1st prize	Rs. 8,000
10.	Bible Quiz 2nd prize	Rs. 4,000
11.	Bible quiz consolation prize	Rs. 1,000
12.	Skits/drama 1st prize	Rs. 15,000
13.	Skits/drama 2nd prize	Rs. 10,000
14.	Banner 1st prize	Rs. 5,000
15.	Banner 2nd prize	Rs. 3,000
16.	Khutsiem Silbawl 1st prize	Rs. 3,000
17.	Khutsiem Silbawl 2nd prize	Rs. 2,000
18.	Khawmpi bagdge	Rs. 20,000
19.	ZPYF Album 2025 La khat (6)	Rs. 15,000
20.	Competition booklet	Rs. 10,000
21.	Appreciation award	Rs. 1,000
22.	Articles writing 1st prize	Rs. 3,000
23.	Article writing 2nd prize	Rs. 2,000

**UNIT PYF TE NIKHAT
TUOHKHAWM SUBMIT DAN**

i)	Tuibuong	Rs. 500/-
ii)	Shillong	Rs. 1,020/-
iii)	Central Church	Rs. 1,070
iv)	New zoveng	Rs. 200/-
v)	Thingkangpha	Rs. 450/-
vi)	Tongdam	Rs. 270/-
vii)	Zomi Colony	Rs. 420/-
viii)	T. Daijang	Rs. 300/-
ix)	Tangpijol	Rs. 210/-
x)	Bohlui	Rs. 200/-
xi)	Manniang	Rs. 180/-

Tam a submit nailou unit ten hing ngai poimaw a hing submit dingin ka hing ngen sawnsawn hi.

Account a transfer utte ding ah details:-

- Account name: Zou Presbyterian Youth Fellowship
- Account No. 39488094836
- IFSC: SBIN006182
- MICR CODE: 795002504

Thei belap nuom neiten tam anei ate thuzah thei ahi:

1. Pa James Kapmang, Music Secretary : 7085435920
2. Pa Jacob Suankhanlian. Moral & Religion : 7005159986
3. Pa S. Mangminlun: 9774610527

Note:

Nh. T. Naomi Goulianching in Synod Sr. Accountant semta ahina ah ama thatang ding kilah masang sie Tv. L. Kamkhenhang, ZPYF Secretary in ZPYF **Coordinator** mawpuohna alah phot ahi thu i kitheisah uhi.

PATRON MEMBER-TE

001. Upa Gouzamang	002. Pu Hav. Khamchinkhup	003. Pu Khamzalam	004. Pu Chinzasuan
005. (L) Upa Liansuanpau	006. Pu Khamchinthang	007. Pu S. Dalthang	008. Upa Kapkhanthang
009. (L) Upa Langginmang	010. Upa S. Nangkhanlal	011. Pu S. Lamkthothang	012. Upa Dr. M. Lachinkhai
013. Upa Khamchinjam	014. (L) Upa D.K.Manlun	015. Upa Suankhanmang	016. (L) Upa Khupgou
017. (L) Upa Chinkham	018. Upa Ngulchinkham	019. (L) Rev. V. Vungzalian	020. Rev. Retd. Kamkhosoi
021. Rev. Tualzachin	022. Rev. H. Nengzaton	023. Rev. Awnkhanthup	024. Rev. Dr. Hangpi Manlun Zou
025. (L) Pu Tuanzapau	026. (L) Rev. Ginchinjam	027. (L) Rev. Khamzasuan	028. Upa T. Lamkthohawng
029. Upa Khaichinmang	030. Rev. Stephen Chinzathang	031. Pu Khupkhanmang	032. Pu Khaidohlian
033. (L) Hav. Khamzahang	034. Pi Vungzanuam	035. Pu T. Gouzadou	036. Upa Liensuanpau
037. Pi Zekhochiin	038. Pi Hatkhanvung	039. (L) Pi Ngaihoiching	040. Pi Mankhannieng
041. Pu Goukhanmang	042. Pi Chingzalam	043. Pu S. Thianzakhai	044. Pi Kamkhanching
045. Pu Haukhanpau	046. Pu Tuallianmang	047. (L) Pu Dongkap	048. (L) Pi Chingkhanmang
049. Pi Donkhonian	050. Upa Henzakhup	051. (L) Pu Saichinpau	052. Pu Goumang
053. (L) Upa Khamkhanhang	054. Shie Laangkhanlal	055. Upa Khamkhanlun	056. Upa L. Tualkhanpau
057. Upa Jamsianmung	058. Upa Ginzadong	059. Upa Kaizathang	060. Pi Goizanuom
061. (L) Pi Thangneivah	062. Pu Khamzathang	063. Pi Donchin	064. Upa Liankhanmang
065. Pu Hauchinlun	066. Pu T. S. Lal	067. Pi Goichiin	068. (L) Pu T. Khupchinthang
069. Upa T. Kaizalam	070. Pu Paul Henkholal	071. (L) Pu Soikham	072. (L) Rev. P.C. Manga
073. Rev. Khamchinkhai	074. Rev. Zamlianpau	075. Rev. Chinzapau	076. (L) Rev. Kamkhozam
077. (L) Upa Chinpu	078. Pu Zamkhanthang	079. Pu Chinglen	080. Miss Chinhaunieng
081. Upa P. K. Soia	082. Pu Goujakhai	083. Pi Niangkhanmang	084. (L) Evan. G.L. Joshya
085. Pi S. Chingkhanmang	086. (L) Pu Vumchinkhup	087. Upa Khaihenthang	088. Upa T. C. Pau
089. Upa Nengchinkap	090. (L) Upa Jamkhongam	091. Upa HT Manga	092. Nu Vahkholhing
093. Pu Hauliankap	094. Pi Chinnu	095. (L) Upa Ngulzakhai	096. (L) Upa T. Gougin
097. Pu Ginsuanhau	098. (L) Upa Langminthang	099. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thatthang Taithul	104. Pu Kamkhanpau
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhanpau
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppaa	114. (L) Rev. Mangsuanthang	115. (L) Pu Lamchinhau	116. Upa Pauchinlel
117. Nu Kimneihoi	118. Upa Kamgenpau	119. Nu Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. (L) Upa Lunchinthang
129. Pu P. Tongthang Zou	130. Pu H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	136. Pu Kapminlun
137. Pi Tingzavah	138. Dr. M. Limlunthang Zou	139. Rev. Hauzalian Manlun	140. Rev. Suanglianpau
141. Rev. Ginlianmang	142. Upa L. Mangminthang Zou	143. Upa Goukhanthang	144. M. Thangsuansang Zou

LIFE MEMBER-TE

001. (L) Upa T. Khupkhenpau	002. (L) Pu M. Ginzahau	003. (L) Pu Selzapau	004. Pu L.C. Pautungnung
005. (L) Pi Khamkhanneing	006. Pi Ngainuam	007. Upa Chinsuanthang	008. Upa Shanti Kumar
009. Pu Kamkohau	010. (L) Pu Khamkohau	011. Upa Khamzathang	012. Upa Chinkhanthang
013. (L) Pu Tongzathang	014. Pi Chiinneilam	015. Upa Kulthang	016. H/Sm. Upa Kaichinpau
017. Pi Niangzalam	018. Upa P. Doukholun	019. Pu Kapminlian	

Sundered

Please return to:

The Editor

KHRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
